

Na osnovu člana 16. stav (4). Zakona o Vladi Zeničko-dobojskog kantona („Službene novine Zeničko-dobojskog kantona“, broj 7/10), a u vezi sa članom 139. stav (1). Poslovnika Skupštine Zeničko-dobojskog kantona - Novi prečišćeni tekst („Službene novine Zeničko-dobojskog kantona“, broj: 7/12 i 12/13), razmatrajući Amandman I poslanika u Skupštini Zeničko-dobojskog kantona Rifata Delića na prijedlog Zakona o osnovnoj školi, na prijedlog Ministarstva za obrazovanje, nauku, kulturu i sport, Vlada Zeničko-dobojskog kantona, na 133.sjednici, održanoj dana 22.02.2018. godine, d o n o s i

ZAKLJUČAK

I.

Vlada Zeničko-dobojskog kantona ne prihvata Amandman I poslanika u Skupštini Zeničko-dobojskog kantona Rifata Delića na Prijedlog Zakona o osnovnoj školi.

II.

Zaključak sa obrazloženjem u kome su sadržani razlozi zbog kojih se ne prihvata Amandman I upućuje se u dalju skupštinsku proceduru.

III.

Zaključak stupa na snagu danom donošenja.

Broj: 02-_____/18.

Datum, 22.02.2018. godine

Z e n i c a

PREMIJER

Miralem Galijašević

DOSTAVLJENO:

1x Ministarstvo za obrazovanje,

nauku, kulturu i sport;

1x Stručna služba Vlade;

1x Stručna služba Skupštine;

1x a/a.

OBRAZLOŽENJE

I. PRAVNI OSNOV

Pravni osnov za donošenje Zaključka sadržan je u članu 16. stav 4. Zakona o Vladi Zeničko-dobojskog kantona („Službene novine Zeničko-dobojskog kantona“, broj 7/10) i članu 139. stav 1. Poslovnika Skupštine Zeničko-dobojskog kantona - Novi prečišćeni tekst („Službene novine Zeničko-dobojskog kantona“, broj: 7/12 i 12/13).

II. RAZLOZI ZA DONOŠENJE

Poslanik u Skupštini Zeničko-dobojskog kantona Rifata Delića podnio je Amandman I na Prijedlog Zakona o osnovnoj školi:

U članu 12. iza stava (4) dodaje se novi stav (5) Prijedloga Zakona o osnovnoj školi koji glasi:

„Član 12.

(Pedagoški standardi i finansiranje rada osnovne škole)

(5) Učenicima nižih razreda (od prvog do petog) pripadajućeg upisnog područja, bez obzira na udaljenost od škole, osnivač je dužan osigurati besplatan prijevoz.“

Stoga se predlaže neprihvatanje Amandmana I iz razloga što predloženi amandman iziskuje značajna finansijska izdvajanja, koja bi uveliko premašila iznos novčanih sredstava koja su planirana po uvom osnovu Budžetom Zeničko-dobojskog kantona za 2018. godinu. U članu 12. u stavu (4) predviđeno je da: „ukoliko posebna komisija Vlade Kantona za procjenu saobraćajne ugroženosti učenika na pripadajućem školskom području utvrdi opravdanost zahtjeva škole za odobravanjem prijevoza na udaljenosti manjoj od 5 (pet) kilometra u jednom pravcu od škole pripadajućeg upisno-gravitacionog područja, Vlada Kantona, na obrazloženi prijedlog Ministarstva, može odobriti dodatni prijevoz učenika na tom školskom području“.

Time je smanjena saobraćajna ugroženost učenika na putu od škole do kuće i svaka situacija može se posebno razmatrati, a član 5 ., stav (8) tretira prvenstvo prava djeteta nad svim drugim pravima.

Isto tako, ne raspolazemo sa podatkom da dolazi do značajnog smanjenja broja upisanih učenika u prvi razred osnovne škole na području Zeničko-dobojskog kantona, što dovodi do zaključka da eventualne uštede u Budžetu Zeničko-dobojskog kantona nije moguće napraviti, niti se može uraditi preraspodjela novčanih sredstava u svrhu osiguravanja besplatnog prijevoza za sve učenike od prvog do petog razreda jer se radi o većim iznosima i stavka za prijevoz učenika po tom osnovu ne može se povećati, dakle smatramo da se amandman u predloženoj formi ne može prihvatiti.